

應州續志序

雁門之陰雲中之南有州曰
應其名州也相傳以州之龍
首山與南北大山相應其建
州之始以為在唐末五代間

昔嘗領金城河陰渾源三縣
國朝雍正八年始隸大同六
州一都會也予奉

命撫晉兼

授督軍之節晉為畿右形勝地

謁守令各以其郡縣志進予

得考其沿革險易土俗利病

以請求予職之所當効且以咨

詢百吏觀其用心於所治者何

如而衆知其能否非曰徵古今

二
甚博識也應州牧吳君學不
懈於久仕予以其練於治也

奏擢平定州將入

覲矣乃出所為續應州志十卷請

序於予則取田蕙蕭綱兩書

損益之而地以誰正丙午以
來四十餘年之事又推考應
州之名見於國齊史書者數
事以徵其不僅肇於唐也可
謂賅且勤矣予獨謂此地自有

唐中葉棄之默吸其因仍割
裂有湯隄而不可考者我

朝

聖德無外全付天之所覆晉民與蒙
古耕牧相錯於迤邐句注茲

之間若履階閭者之所謂三閭
四鎮者今則井里阡陌櫛比
綺分司牧者得以誰容教育
去其害而不匿其秀猗興盛
矣豈可不日夜念厥所由來而

牧師 設誠責實以求無

負

天子任使之德意哉是為序

乾隆三十四年九月朔撫晉使
者鄂寶撰并書

志乘之設所以載疆域建置民風
物產政治使讀之者去夫沿革之
得失山川之形勝習俗之淳漓與夫
土田戶口之肥澆繁敝非特好古者數
典不忘六以資涇是邦者求吾民情
以成其治術之良也誌之所係綦
重矣昔朱子歷官所至必攷求書

志誠以一方紀載不可略也況應為
三晉名疆屏藩重地其道出津梁
城郭閼隘士女之貞廉忠孝不可以
不誌而

國家重熙累洽之好人文蔚興祗庶
樂利尤不可不纂輯而脩明也顧
為宰者往往缺字簿書視為不

之弱而不肯爲而一二有志者又或
限於才力而不能爲坐使典故散
失誌乘潮以此真吏治之缺也應誌
創於明季重輯于雍正丙午迄今
四十餘年郡縣統隸之更變地糧戶
口之增除人物藝文之迭出其待續
誌者何可勝道南豐吳君以名進士

領州牧力任其事於案牘之暇參
訂史傳諮訪耆紳訛者正之佚者
補之粹然成書使掌故燦然可考
倘所謂學優而仕優者歟其遠勝
於不肯為與不能為者奚啻霄壤
哉是為序

乾隆己丑秋七月學使者吳巖

書于蒲州試院

應州續志序

予於戊子秋抵晉時 蘓中丞方下
教所屬講求水利憶在鎖院發官書
得應州牧吳君條覆水道井、予與
翼寧監司胡公盡紙讀之曰此其言
有物良吏也其後君來謁則知以名
進士官陝右最久察其治應果有意

行其言者今夏 鄂中丞以平定州
需才訪于僚咸舉君對 中丞曰可
遂薦之

廷君瀕去應錄所續州志十卷寄予
嘆曰君真不忝此州者顧予踈於考
核屬予友戴孝廉東原校之戴君曰
應州錯見於周隋書此志搜考甚詳

顧新舊唐書皆不見應州沿革之由
則在唐地里志雲州永淳元年為黠
啜所破徙其民於朔州矣此地則天
以後蓋棄之甌脫也抑周隋之應州
乃楚之應山梁所置耶予曰信朱邪
興於沙陀其蹟多在應州應之於唐
不以為幅地矣戴君又疑陰館湍水

黃花堆皆當在應州之西予適以勘
工之右衛反自左雲出山南行過山
陰西北之黃花岡經代嶽鎮乃渡桑
乾東南望夏屋面鴈門時吳君道謁
問應州尚在山陰之東蓋遼金元明
山陰隸于應而今之州不兼有也嗚
乎考古之難非讀破數千卷壯遊數